



**Innarluutillit kiffartuunneqarnerisa ineriartortinneqarnissaanut aamma annertusarneqarnissaanut suliniuteqalernissaq siunertaralugu apeqquteqaat aallaavigalugu oqallinnissamik siunnersuut.**

## **Oqallisissiamut oqaaseqaat**

Hans Peter Poulsen apeqquteqaat aallaavigalugu oqallisissiamut soqutiginarumut saqqummiussanut qujanaq.

Ineriartortitseqqinnissaq innarluutillit illersorneqarnerulernissaannut taamatullullu kiffartuunneqarnerulernissaannut tunngasumut Naleraq isumaqataavoq, qaammatinimi kingullerni ilisimavarput tusagassiuutitigut saqqummiunneqartuni sulisussaqaarniarneq ilungersunartarsimasoq, tamakku anguniagassaraagut taakkuuppummi ulloq unnuarlu sullinneqartuartaasut, sulisussaqaarniarneq pillugu inulerinermik suliaqartut amigaatigineqartaqaat nutatsinni sumiluunniit pisortanit suliffeqarfiutigineqartuni soorlu makkunani, meeqqeriveqarfinni, utoqqarni, inunnik isumaginnittoqarfinni, innarluutillit inaanni, atuarfeqarfinni allarpassuarnilumi, ajornartorsiutip qitia qiviassagaanni sulinermi atugassarititaasut ajorluinnartutut Naleqqamiit isigaarput, taakuummatami nunatsinni tamani atorfissaqarnerpaasut ilaat, ilinniarsimasut amerlagaluaqalutik kisianni ilinniakkatik atorlugu sulinngillat, sulinermi atugassarititaasut amigangaatsiarmata nunatsinni.

Innarluutilinnut tunngatillugu innarluutit assigiinnginnerat immikkoortinneqartariaqartoq aamma nalunngilarput, taamaattumik innarluutillit angerlarsimaffissaannik imaluunniit innarluutillit ornissinnaasaannik innarluut apeqqutaalluni suussusaa ornittagaqartariaqarput, nunarput tamaat isigalugu illoqarfinni allani angerlarsimaffiusinnaasut innarluutilinni pingaaruteqarluinnarpoq, soorlu assersuutigineqarsinnaasooq innarluutit assigiinngimmata taakkulu ataqatigiisaartumik suussusaat apeqqutaatillugit ornissinnaasaannik angerlarsimaffigisinnaasaannillu peqarnissaq pingaartuusoq naleqqamiit isigaarput, uanili pingaarnerpaajussasoq nalussanngilarput sulisussaqaarniarnissaq ilinniarsimasunik, inulerinermik ilinniarsimasut qaqugumulluunniit atorfissaqartittuassavagut nunatsinni



# Naleraq

taamaattumik aamma pitsaanerusumik sulinermi atugassaqaartinnissaat kissaatiginartuulluni taakkuuppummi qaqugorsuarmut annaarusunngisaannagassagut inuaqatigiinni tamani inulerinermik ilisimasaqartut ilisimasaqalertussallu atorfissaqaartittuaannagassagut apeqqutaallunilu suliassat suus-susaanni.

Nunatsinni innarluutillit periarfissaasa annertusarneqarnerunissaannik periarfissanik annerusunik ujaasinissaq pingaaruteqarluinnarpoq, nunarsuarpummi sutigut tamatigut ineriartuinnarpoq innarluutillillu aamma atorfissaqaartitaat annertusiartorlutik, atortorissaarutit nutaaliaanerusunik ikaarsaariartornissaq pingaaruteqarpoq taamatullu ineqarfimmi annerusunik pisariaqartitsiartuinnartussaavugut nunarpummi inuerukkiartortissanngikkutsigu inerisaanerit annertunerusariaqartut Naleqqamiit isumaqarpugut. Nunarpummi orniginartumik inissisimanissaani pingaaruteqarluinnarpoq, nunaqataasummi tamaasa maani nunami atorfissaqaartippagut minnerunngitsumillu nuna uummateqarfigisaminni pinngorfimmini sullinneqarluarnissaat pingaaruteqarluinnarpoq.

Taama naatsumik oqaaseqarlunga oqallisissiamut saqqummiisoq qujanaq.